

□ □ □ □



"j lam"

27/05/2008 12:43

Please respond to

To <fhbenq@fhh.gov.hk>

cc

Subject 醫療融資計劃同曾蔭權周一嶽一齊收檔咁
市民就健康快樂！

政府打劫市民太涼薄，有邊個唔知香港政府係世界上最有錢，揮霍數千萬元公帑打造曾蔭權 副局長和政治助理班底，公務員隊伍尚有好大瘦身空間，政府卻反其道而行之增聘，最叻係公僕加薪!

通脹猛於虎，特區政府唔單止冇打擊通脹措施，仲漠視民意要硬推醫療融資方案，卒之搞到有二十幾個團體、合共三百幾名市民遊行請願，反對政府推行任何強制醫療供款計劃，相信係政府推出呢份諮詢文件以來最大規模示威遊行。

有團體訪問三百幾名市民，超過八成受訪者對醫療融資投不信任票。

有工會根據諮詢文件建議供款率計過數，以月入一萬元以上打工仔就要供月薪百分之五計算，一計之下，月入一萬二千元打工仔醫療供款，竟然係佢今年薪俸稅二十五倍，同夾硬搶有乜分別？

政府 將本來由政府承擔公共醫療開支，卸落去畀市民自己承擔！

政府提供醫療服務係天經地義，政府可以一擲千億去搞高大空建設，對於市民基本醫療福利就計到盡，周一嶽硬要將醫療開支轉嫁畀市民，打市民荷包！

查實醫管局每年使成三百幾億，有八成係用薪酬福利，有民間團體計過，醫管局行政總裁加埋另外四個聯網總監，年薪已經高達一千七百萬，以門診成本二百四十蚊計，每年可以多七萬幾個門診名額！

肥上瘦下，就算市民再畀多醫療供款都養唔掂醫管局呢隻大怪獸。

真係信政府講半成都死，之前推出「藥物名冊」時，醫管局拍心口保證絕唔會發生「冇錢冇藥醫」！係真唔係呢？

其實周一嶽整個「藥物名冊」出，就係為打小市民荷包，將千幾種貴價常用藥變成自費藥，搞到好多低下階層真係「冇錢冇藥醫」。

醫療融資係咪可以令小市民得益呢？可以肯定係基金經理一定最先得益賺到笑。

長者醫療券三年總開支五億五百萬，行政費就要六千八百萬。

醫療融資計劃同曾蔭權周一嶽一齊收檔咁市民就健康快樂！



Get YourName@Triathlete.com web e-mail - <http://www.Triathlete.com> 政府打劫市民太涼薄.txt